

叢書集成續編

一六

新文豐出版公司印行

叢書集成續編

第一六冊目錄

總類



經學源流

今古學考二卷

民 廖 平撰

張氏適園

一

諸子叢鈔

群書治要子鈔二卷

唐 魏 徵撰

求實齋 三五

篷窗附錄二卷

清 沈兆雲輯

屏 廬 六七

意林注五卷逸文一卷附編一卷

清 周廣業輯注

聚學軒 一三七

考 據

補輯風俗通義佚文一卷

清 顧樸三著

金陵叢書 二五五

塵史三卷

宋 王得臣撰

湖北先正 二七九

石魚偶記一卷

宋 楊 簡撰

四 明 三三一

荀子考異一卷

宋 錢 佃撰

擇是居 三五五

習學記言序目五十卷

宋 葉 適撰

敬鄉樓 三六三

黃谷譚談四卷

明 李 萇著

三怡堂 六六七

宣統辛亥

今古學攷

上海國學扶輪社印行

非研先生經說諸書已刊者若干種未刊者若干種刊而未竣竣而未傳者又若干種率皆融會真偽貫穿古今一洗周秦唐宋淵源師承之陋習崇照以根牟受李克之傳兒寬習張生之業雖后蒼蕭奮未必無差而苟況鐸椒實衷一是則延壽之易即孟氏之學信受奉行固未容已也擇尤雅者重付印行以裨益東南承學之士宣統三年二月崇照謹識

井研廖紀平廣文遂于經術爲壬秋先生之嫡傳雖稟承有自而撰述所至不拘拘于師說鉅析真贋溝通古今成一家言南海沾其餘瀝說經獄獄名震寰球生平著作甚夥惜其梓于蜀中東南學子未得遍讀茲由其高弟王漢章君郵寄今古學攷知聖編經話三種次第付刊藉餉同好爰誌數語以明向往云宣統三年五月烏程張鈞衡識

今古學攷目錄

卷上

漢藝文志今古學經傳師法表

異義今古學名目表

異義今與今同古與古同表

鄭君以前今古先師著書不相混亂表

今古學統宗表

今古學宗旨不同表

今學損益古學禮制表

今學因仍古學禮制表

今古學流派表

兩戴記今古篇目表

今古學專門書目表

今古兼用今古所同經史子書目表

公羊改今從古左傳改古從今表

今古各經禮制有無表

今古各經禮制同實異名表

今古各經禮制異實同名表

今古學魯齊古三家經傳表

鄭君以後今古學廢絕表

今學盛于西漢古學盛于東漢表

今古學經傳存佚表

卷下

經話

按藝文志博士經傳及古經本溯古學之所以名也異義今古名目明東漢已今古並稱也異義條說之不同先師著書之各異使知今古學舊不相雜也凡此皆從前之舊說也至于統宗表詳其源也宗旨不同表說其意也損益因仍二表明今之所以變古也流派篇目表理其委也戴記篇目今古書目二表嚴其界使不相混也改從有亡辨其出入名實同異究其交互凡此皆鄙人之新說求深于古者也更錄三家經傳明齊學之中處今古廢絕詳鄭君之變法今古盛衰所以示今學之微經傳存佚所以傷舊學之墜至于此而今古之說備矣所有詳論並見下篇丙戌六月朔日編成識此并研廖平

今古學攷卷上

井研廖平述

漢藝文志今古學經傳師法表

易施孟梁邱京高按此五家今學也班

易費按此一家古學也班

班曰漢興田和傳之訖於宣元有施孟梁邱京氏列於學官而民間有

費高二家之說劉向以中古文易經校施孟梁邱經師古曰中者天子

外或脫去無咎悔亡唯費氏經與古文同

尚書經二十九卷班注大小夏侯二家歐陽經二十二卷師

尚書古文經四十六卷班注爲五十七篇○

班曰秦燔書禁學濟南伏生獨壁藏之漢興亡失求得二十九篇以教

今古學攷卷上

張氏適園叢書
國學扶輪社校印

齊魯之間訖孝宣世有歐陽大小夏侯氏立於學官古文尚書者出孔

子壁中武帝末魯共王壞孔子宅欲以廣其宮而得古文尚書及禮記

論語孝經凡數十篇皆古字也孔安國者孔子後也悉得其書以考二

十九篇得多十六篇安國獻之遭巫蠱事未列於學官劉向以中古文

校歐陽大小夏侯三家經文酒誥脫簡一召誥脫簡二率簡二十五字

者脫亦二十五字簡二十二字者脫亦二十二字文字異者七百有餘

脫字數十

詩經二十八卷魯齊韓三家按此三家今學

毛詩二十九卷按此古學也

班曰漢興魯申公爲詩訓詁而齊轅固燕韓生皆爲之傳三家皆列於

學官又有毛公之學自謂子夏所傳而河間獻王好之未得立

禮經七十篇后氏記百三十一篇者七十子後學明堂陰陽三十三篇古之

遺王史氏二十一篇別錄云六國時人也曲臺后蒼九篇按此

古經五十六卷周官經六篇王莽時劉歆博士師古曰即今之周官禮

經古

班曰漢興魯高堂生傳十禮十七篇訖孝宣世后蒼最明戴德戴聖慶

普皆其弟子三家立於學官禮古經出於魯淹中

春秋經十一卷公羊傳二卷公羊傳十一卷穀梁傳十一卷公羊子齊人穀梁

古經十二篇左氏傳三十卷左丘明撰言古史按

班曰公羊穀梁立於學官

論語魯二十篇齊二十二篇多問王知道

古二十一篇出孔子壁中兩子張

今古學攷卷上

張氏適園叢書
國學扶輪社校印

班曰漢興有魯齊之說傳齊論者昌邑中尉王吉少府宋畸御史大夫

貢禹尚書令五鹿充宗膠東庸生唯王陽名家傳魯論語者常山都尉

龔奮長信少府夏侯勝丞相韋賢魯扶卿前將軍蕭望之安昌侯張禹

皆名家張氏最後而行於世

孝經一篇十八家按此今學后

古孔氏一篇二十二章劉向云古文也應人章分爲二也什

班曰漢興長孫氏博士江翁少府后蒼諫大夫龔奉安昌侯張禹傳之

各自名家經文皆同唯孔氏壁中古文爲異父母生之續莫大焉故親

生之膝下諸家說不安處古文文字讀皆異

按此漢人今古分派之始也經在先秦前已有二派一主孔子一主

周公如三傳是也齊魯今學燕趙古學漢初儒生達者皆齊魯以

古學爲異派抑之故致微絕當時今學已立學官而民間古學間有傳者如毛詩後孔壁古經出好古之士復據此與今學相難今學亦無以奪之雖不立學官隱有相敵之勢至于劉歆校書得古文古學愈顯世以孔壁所出經皆古字別異于今學號曰古經與博士本並行至後漢而今古之名立矣

五經異義今古學名目表

今易京孟說	古周禮說
今尙書夏侯歐陽說	古尙書說
今魯齊韓詩說	古毛詩說
今春秋公羊穀梁說	古左氏說
今禮戴說	古孝經說

今古學攷卷上

三 張氏適園叢書
國學扶輪社校印

今孝經說

今論語說

許氏說文序其稱易孟氏書孔氏詩毛氏禮周官春秋左氏論語孝經皆古文也按漢書藝文志孟當作費

按西漢今學立在學官古學傳之民間當時學者稱古學爲古文蓋博士說通行惟古爲異故加號別異目爲古也至於東漢古學甚盛遂乃加博士說以今字故班氏以前猶無今號至許氏異義乃今古並稱古號得於西京今號加於東漢合而觀之端委可尋矣

五經異義今與今古與古同表

許君五經異義臚列今古師說以相折中今與今同古與古同二者不相出入足見師法之嚴今就陳本標厥名目以見本原條其異同使知舊本

二派自鄭君以後乃亂之也

今易京氏說一

易孟京說一

易孟京春秋公羊說一

易孟氏韓詩說一

按以上今易孟京說全與古學異與今學春秋詩同

今尙書歐陽說二

今尙書歐陽夏侯說四

夏侯歐陽說一

按以上今尙書歐陽夏侯說全與古學說不同

今韓詩說一

今古學攷卷上

四 張氏適園叢書
國學扶輪社校印

今詩韓魯說一

詩齊魯韓春秋公羊說一

韓詩說二

詩齊說丞相匡衡說一

治魯詩丞相韋元成說一

按以上今詩魯齊韓三家說全與古學異與今學春秋公羊同

今春秋公羊說七

春秋公羊說四

春秋公羊穀梁說二

公羊說二十三

穀梁說二

春秋公羊董仲舒說一

公羊以爲穀梁亦以爲一

大鴻臚陸生說一

議郎尹更始待詔劉更生等議一

按以上今春秋穀梁公羊說與古學全異

今禮戴說三

今大戴禮說二

今禮戴尙書歐陽說一

禮戴及匡衡說一

大戴說一

戴說一

今古學攷卷上

五

張氏適園叢書
國學扶輪社校印

戴禮及韓詩說一

禮戴說一

戴禮公羊說一

按以上今禮戴說全與古學異與今尙書詩同

今孝經說二

孝經說一

今論語說一

按以上今孝經論說與古學全異

古尙書說九

古毛詩說三

毛詩說六

古左氏說二

古春秋左氏說五

古春秋左氏傳說二

春秋左氏說三

左氏傳四

左氏說二十四

奉德侯陳欽說

古周禮說十二

古周禮孝經說一

周禮說二

侍中騎都尉賈逵說一

今古學攷卷上

六

張氏適園叢書
國學扶輪社校印

按以上古尙書毛詩左氏春秋周禮說全與今禮異而自相同審此足見古禮自爲古禮一派與今異也其有誤說三條一爲穀梁公羊與左氏同一爲賈禹與古文尙書同駁見下卷

鄭君以前今古諸書各自爲家不相雜亂表

尙書歐陽夏侯說

三家詩故傳

韓詩薛侯說

春秋嚴彭尹劉說

公羊何氏解詁

孝經后張長孫說

論語張包說

尙書賈馬注

毛詩故訓傳

周禮二鄭杜賈馬注

禮記馬盧注

左傳劉鄭賈馬服虔許注

論語馬氏訓說

國語賈注

按以上各家皆今學所著書除何氏解詁以外見于玉函山房輯本所引用全本于王制不雜用古學說不如范氏注穀梁据周禮古學說以攻傳可知東漢以前今學自爲一派與古別行不求強同以古亂今者皆鄭君以後之派舊原不如此也

今古學統宗表
王制爲今學之主

今古學統宗表上

說文解字

按以上皆古學所著書除說文解字外皆見于馬輯本所引用全本于古學各書不用博士說不如鄭君注周禮毛詩雜用今禮可知秦漢以來古學獨行自爲一派不相混雜攷之古書證以往事莫不皆然非予一人之私言乃秦漢先師之舊法也

周禮爲古學之主

七

張氏適園叢書
國學扶輪社校印

穀梁全同王制

儀禮記爲今學
戴禮有今學篇
公羊時參古學

魯詩

魯論語以上

楊氏易

施氏易

孟氏易

梁邱氏易

京氏易

孝經爲古學

儀禮經爲古學
戴記有古學篇
左傳時有緣經異說
逸禮古學

費氏易

高氏易

歐陽氏尙書

大夏侯氏尙書

小夏侯氏尙書

齊詩

齊論語以上

韓氏易

韓氏書

韓氏詩以上

今孝經

案公羊以前皆經本今學先

今古學統宗表上

張氏適園叢書
國學扶輪社校印

師依經立說者也以下十七

家則皆据王制說推衍比附

于諸經者也今經爲孔子晚

年之書故弟子篤信謹守欲

以偏說羣經此今學統宗之

沿變事詳王制義證

古文尙書

毛詩

古論語

按逸禮以上皆經本古學先師依經立說者也以下四家則皆据古禮說推衍比附以說羣經者也古經出于壁中較今經多博士抑之不得立

八

張氏適園叢書
國學扶輪社校印

今古學宗旨不同表

今祖孔子

今王制爲主

古祖周公

古周禮爲主

好古之士嫉博士如仇故解四經亦用古說以與今爲難故不惟古經用古說即無今古之分者亦用古說此後來之變也至于古經漢初亦有傳習其說與今異者則又好古之士與今學樹敵在先秦已如此也

今主因革參用四代

今用賢家

今多本伊尹

今孔子晚年之說

今經皆孔子所作

今始于魯人齊附之

今皆受業弟子

今爲經學派

今意同莊墨

今學意主教文弊

今學近于王

今古學攷卷上

古主從周專用

古用文家

古原本周公

古孔子壯年主之

古經多學古者潤色史册

古成于燕趙人

古不皆受業

古爲史學派

古意同史佚

古學意主守時制

古學師平伯

九 張氏適園叢書
國學扶輪社校印

今異姓興王之事

今西漢皆立博士

今經傳立學皆在古前

今山鄉土分異派

今禮少所無皆同古禮

今所皆改周制流弊

今漢初皆有經本非口受

今以春秋爲正宗餘皆推衍春秋之法以說之者

今多主緯候

今學出于春秋時

先秦子書多今學

古一姓中興之事

古西漢多行之民間

古經傳立學皆在今後

古因經分異派

古禮多所多皆同今學

古所傳多禮家節目

古漢初皆有師後有廢絕

古惟周禮爲正宗即左傳亦推衍以說之者餘經無論矣

古多主史册

古學成于戰國時

先秦史册皆古學

今秦以前無雜派

今無緣經立說之傳

今無儀注皆用周舊儀

今經唯王制無古學餘經皆有推衍古派

孝經本無今說

今經唯存公穀范氏以古疑今

注今經李何以前不雜古

戴禮古多于今漢儒誤以爲今學

古儀禮經漢初誤以爲今

以上說皆見下卷

今學改變古學禮制表 此專表今古不同者

今古學攷卷上

古秦以前已有異說

古有緣經立說之傳

古有專說不通別經

古經唯周禮無今說餘經皆有推衍今派

春秋本無古學

古經皆存鄭君以今雜古學

注古經馬許以前不雜今

子緯皆今學漢儒誤以爲古學

今王制先師誤以爲周

以上說見下卷

十 張氏適園叢書
國學扶輪社校印

古封公方五百里侯方四百里伯方三百里子方二百里男方一百里

地五等

古一甸出一車

古六卿大夫士賁無定數

古畿內不封國

古有世卿無選舉

古周禮十二年一巡守

古天子下聘不親迎

古禘于郊無祫祭

古天子無大廟有明堂

今封公侯方百里伯方七十里子男方五十里地三等

今十井出一車

今公卿大夫士皆三輔一

今畿內封國

今無世卿有選舉

今王制五年一巡守

今天子下聘有親迎

今禘爲時祭有祫祭

今天子有大廟無明堂

昏義	曲禮	學記
鄉飲酒義	檀弓	勸學
射義	雜記 以上左傳	衛將軍文子 以上學問
燕義	祭義	經解
聘禮	曾子立事本孝立	緇衣
祭統	孝大孝事父母制	坊記
主言	言三疾病天圖 以上	表記 以上學
哀公問于孔子	經孝	儒行
禮三本	內則	子張入官
喪服四制	少儀	哀公問五義
	保傅 以上小學	仲尼燕居
十三 張氏通圖叢書 國學扶輪社校印		
禮運	孔子閒居	禮察
禮器	小辨	用兵
郊特牲 以上禮上	少閒	易本命
明堂位	誥志	哀公問 以上家上
諸侯選廟	夏小正 陰陽	
諸侯毀廟		
投壺 二篇		
公冠 以上禮上		
奔喪		
曾子問		

喪大記	問喪 以上禮	喪服小記	大傳	服問	閒傳	三年問 以上服	今學書目表 治今學者祇許據此	王制	穀梁春秋	公羊春秋
							古學書目表 治古學者祇許據此	周禮	左氏春秋	
							十四	儀禮經	儀禮記今學各篇	儀禮記
							十四	逸周書	戴記古學各篇	戴記今學各篇
							十四	國語	逸周書	孟子
							十四	說文 以上今存本	國語	荀子
							十四		說文	墨子
							十四			司馬法
							十四			韓非子
							十四			吳子
							十四			易緯
							十四			尚書大傳
							十四			春秋繁露

今古學攷卷上	張氏通圖叢書 國學扶輪社校印
--------	-------------------

韓詩外傳

公羊何氏解詁以上今存本

易

子夏易傳漢韓嬰

薛氏記薛廣

蔡氏易說蔡基居

丁氏易傳漢丁寬

韓氏易傳漢韓嬰

淮南九師道訓漢劉安

施氏章句漢施讐

孟氏章句漢孟喜

今古學攷卷上

十五

張氏適園叢書
國學扶輪社校印

梁邱氏章句漢梁邱賀

京氏章句漢京房

書

今文尙書

歐陽章句漢歐陽和伯

大夏侯章句漢夏侯勝

小夏侯章句漢夏侯建

尙書緯六種馬輯本鄭注

詩

魯詩故漢申培

齊詩傳漢后蒼

易

古五子易傳

費氏易漢費直

費氏易林漢費直

周易分野漢費直

馬氏注後漢馬融

書

古文尙書

古文訓漢賈逵

馬氏傳漢馬融

詩

毛詩馬氏傳後漢馬融

齊詩翼奉學漢翼奉

韓詩故漢韓嬰

韓詩內傳漢韓嬰

韓詩說漢韓嬰

韓詩薛君章句漢薛漢

韓詩翼要漢侯苞

詩緯三種馬輯本宋注

今古學攷卷上

十六

張氏適園叢書
國學扶輪社校印

儀禮

大戴喪服變除漢戴德

石渠禮論同上

冠禮約制漢何休

禮記

禮傳後漢荀爽

月令章句後漢蔡邕

月令問答同上

禮緯三種馬輯本宋注

增樂緯三種宋注馬輯本

周官禮

鄭大夫解詁漢鄭興

鄭司農解詁漢鄭衆

杜氏注漢杜子春

賈氏解詁漢賈逵

周官傳漢馬融

儀禮

婚禮謁文漢鄭衆

喪服經傳後漢馬融

禮記

禮記馬氏注後漢馬融

禮記盧氏注後漢盧植

附樂經漢劉歆

樂記同上

樂元語同上

春秋

春秋大傳

春秋決事 漢董仲舒

公羊嚴氏春秋 漢嚴彭祖

公羊顏氏記 漢顏安樂

穀梁傳尹氏章句 漢尹更始

穀梁傳說 漢劉向

解疑論 後漢戴宏

公羊文證例 後漢何休

春秋緯十五種 馬融本

今古學攷卷上

鍾緯書 同上

春秋

左傳劉氏注 漢劉歆

春秋牒例章句 後漢鄭衆

左氏傳解詁 後漢賈逵

左氏長經 後漢賈逵

三傳異同說 後漢馬融

左傳解詁 後漢服虔

春秋成長義

左氏膏肓釋病 並服虔後

春秋釋例 後漢顏容

十七

張氏適園叢書
國學扶輪社校印

孝經

孝經傳 魏文侯

后氏說 漢后蒼

安昌侯說 漢張禹

長孫氏說 漢長孫氏

孝經緯九種 宋注馬融本

論語

齊論語

安昌侯論語 漢張禹

包氏章句 後漢包咸

春秋奇說 後漢彭注

左傳許氏注 後漢許敬

論語

古論語

孔氏訓解 漢孔安國

馬氏訓說 後漢馬融

周氏章句 後漢周氏

論語緯一種 宋注馬融本

以上原書皆亡今據馬融輯本補

錄今學諸書皆為王制可以王制

統諸書也

今古兼用雜同經史子集書目表

今多于古

五經通義

石渠論

白虎通

孔子集語

古多于今

鄭注周禮

鄭箋毛詩

鄭注周易

鄭注尚書

今古學攷卷上

以上原書皆亡今據馬融輯本補錄

鄭康成注箋雜有今學不錄古學

諸書皆為周禮派可以周禮統諸

書也

今古雜

鄭注禮記

鄭駁異義

鄭攻膏肓起廢疾

發墨守

今古同

余正

急就章

方言

博雅

十八

張氏適園叢書
國學扶輪社校印

訓纂

古文官書

鄭注論語

鄭注孝經

五經異義

三倉

倉頡

凡將

鄭志

杜左傳注

六藝論

魯論裕義

家語

孔叢

聖證論

偽孔傳

釋名 以上都

埤倉

古今字詁

史記

漢書

後漢書

三國志

戰國策

世本

列女傳 新序 說苑		公孫龍子 莊子 尹文子	
山海經 竹書紀年 穆天子傳 越絕書 吳越春秋 晏子春秋 虞氏春秋 古史攷 以上史部 孫子 六韜 管子		尸子 鶡冠子 燕丹子	
新語 新書 論衡 潛夫論 申鑒 風俗通義		呂氏春秋 淮南子 慎子 素問 周髀	
老子 關尹子 列子 文子 大元 法言 鹽鐵論 新論 獨斷 以上子部		楚辭 集部	
公羊改今用古表		左傳改古從今表	
王制穀梁禘爲時祭公羊以爲殷祭		國語禘於圜丘稱禘郊左傳禘於太	

今古學攷卷上

十九 張氏適國叢書
國學扶輪社校印

王制穀梁姜母不得爲夫人公羊姜母爲夫人					
王制穀梁葬不爲雨止公羊雨不克葬謂天子諸侯					
穀梁夫人不歸甯公羊夫人得歸甯					
同左傳					
王制穀梁二伯公羊以爲五伯從左傳					
穀梁言用皆不得禮公羊子用下有合禮不合禮					
廟祀文王 祭法有祧廟無世室左傳有世室無祧廟 祭法無太廟祖宗在明堂左傳有太廟無明堂 周禮大夫有刑左傳刑不上大夫					
周禮刑者爲閭左傳刑人不在君側 國語日祭月享時祀左傳用時祭無日月祭					
按公羊今學有改今從古之條左傳古學有從今改古之條蓋公羊居近燕趙有雜采左傳屈於經文不能不婉轉求通二家其事相同一因乎地一求合于經之故也姑發其例如此不詳錄也王制周禮國語孝經皆自成一說不求合於人故與二傳不同					
今古各經禮制有無表					
明堂	太廟	壇墀	祧廟	同會	
無	有	無	無	無	今穀梁
無	有	無	無	無	今公羊
有	無	有	有	有	古周禮
有	有	有	有	無	古左傳
有	無	有	有	不見	古國語
有	不見	無	無	無	古孝經

今古學攷卷上

二十 張氏適國叢書
國學扶輪社校印

